



Trotzhöpf 1983

CLIQUE LIESCHTEL

Sujet 1993: Dr Teddy jubiliert und d Nuggi si
zum Modeschmuck avanciert!

Der Sinn vom Zeedel, das isch klar,
mer legen ech euses Sujet dar:
Der Teddy het scho nüünzig Johr ufern Buggel,
mer sammle aber auno farbigi Plastignuggel.

Jetzt hani Nuggi gsammelt, wie verruckt,
hami bym Uusverchauf ganz füre druckt.
Ha roti, gröeni, gäli, blai,
grossi, chlyni und au graui,
für an Hals und für d Ohre dure
und e ganze grosse für my Schnure.
Ein fürs Mami und ein füre Papi,
e bsunders grosse für der Stapi.
Au der Kuenz hätti besser ame Nuggi chätscht,
as eus die Schwelle uf der Sichtere anedätscht.

Au der Ywohnerrot hätti besser gnuggelet,
as neu Gsetz us de Finger gsuggelet.
E Nuggi as Radarfalle,
würd im Hempele Oscar sicher gfalle.
Uf der KB-Chrüzig het d Fүүrwehr e Panne,
sider haig si Nuggi bruucht zum entspanne.
An der Vernissage im Rothuus unde
hai mer eifach keini Nuggi gfunde.

D Nuggiwälle isch soo schnäll verby,
mit de Teddybäre bisch allewyl no derby.
Mit dene Plüschtier chasch spiele und schmuuse,
e Mänge darf au mit go pfuuse,
e Hufte si scho ganz vergammet,
die mit em Chnopf im Ohr wärde sogar gsammelt.
Bym abrysse vo der alte Wasserversorgig unde
hai mer au none alte Teddy gfunde.

Nuggi hi und Nuggi här,
i nimm jetzt my Teddybär
und will kei Wort meh wägedem verliere.
IN isch me nur, wemme PIN duet ramisiere.

D Latärne Usstellig isch am Fasnachts-Zischtig im
Alte Zүүghuus vom Nomittag am zwöi bis Zobe am
nüüni!
